



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africanam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. VII. De Armenijs.

urn:nbn:de:hbz:466:1-11108

Is ad urbem, anno tertio à discessu priorum Legatorum, venit, & Paulo V. Papæ literas Patriarchæ sui reddidit, & cum illis fidei professionem, atque commentarium à se iussu Patriarchæ sui compositum, de conciliatione dogmatum Chaldæorum cum fide Catholica; postulauit que summa animi demissione, vt cuncta diligenter examinarentur expenderentur que, & pro necessitate salutis eorum confuleretur.

Epistola Eliæ Patriarchæ Babylonij ad Paulum V. & alia eò spectantia exstant apud Petrum Strozam lib. citato.

Adamo autem ad suos redeunti ab eodè Pontifice, presbyteri duo ex Societ. Iesu, Ioannes Ant. Marietius, & Petrus Metofcita, viri docti ac pij, sunt adiuncti: vt in Babylonica Ecclesia vniuersa reducenda omnes animi vires intenderent: vt narrat Nic. Godignus lib. I. de rebus Abassinorum.

CAPVT VII.

DE ARMENIIS.

ARmena natio, longè copiosissima, duobus Patriarchis primarijs subijcitur: quorum vnus est Armeniæ Maioris, residens in monasterio *Ecmeaz* in prope opidum *Eruan* in Persia: al-

K ter

ter autem Armeniæ Minoris, residens in opido *Sis*, in Cilicia, hodie dicta *Caramania*, sub Turcarum imperio. Alij insuper Primates seu Patriarchæ nationis Armenæ, fauore Turcarum creati reperiuntur, vt in vltimis Persiæ finibus, atque in ipsa etiam vrbe Constantinopolitana: sunt quæ ferè exactores tributorum, quæ familia Armenicæ Turcis soluere coguntur, & quandoque Patriarcham Armeniæ Maioris, pro suo superiore, nolunt agnoscere. Familix, quæ Patriarchæ maioris Armeniæ subsunt, excedunt numerum centum & quinquaginta millium, præter monasteria plurima, Episcopos in ciuitatibus *Berlit*, *Caramit*, *Angur*, & alijs quàm plurimis; sacerdotes item monachos & diaconos per multos.

Patriarcha verò Minoris Armeniæ habet sub sua obediētia XXIV. Prælatos, Episcopos & Archiepiscopos, familiarū verò circiter viginti millia, in ciuitatibus castellisq; Syriæ & Ciliciæ agentia, præter cœnobia monachorum, sacerdotes clericos & diaconos quàm plurimos. Huius nationis Patriarcha Azarias professionem fidei à Leonardo Abele Episcopo Sidoniensi sibi propositam amplexus est, subscriptamque cum epistolis suis ad Gregorium XIII. Romam transmisit.

Spectat autem electio Patriarchæ Minoris Armeniæ ad XII. Episcopos, ceteris dignitate superiores, vicinioreſque Eccleſiæ Patriarchali. Quandoque tamen à populo Armeno, fauore & iuſſu Præfeſſorum Turcicorum, Patriarchæ creantur: & poſtmodum ab Episcopis & Archiepiſcopis conſenſum obtinent. Viuit autem Patriarcha ex oblationibus & Eleemoſynis: antiquitus autem ex quaque domo Maidinum (qui tertia pars vnius Iulij ſeu Regalis eſt) quotannis recipiebat, qua penſione ipſum Turca priuauit. Hodie ex continuis ſuæ nationis viſitationibus, ac multitudine delinquentium, ſe ſuoſque ferè alit.

Habent autem & Armenij, ſub ditione Regis Poloniæ commorantes, proprium ſibi Metropolitanam ſeu Episcopum, Leopoli, in Ruſſia reſidentem: vt Mart. Cromerus tradit, & nos ſuprà lib. I. explicuimus.

De Armeniorum veteri ac moderno ſtatu, deque eorum dem erroribus, vide Notitiam noſtram Episcopatum lib. I. c. 17. & ſequenti.

Exſtat Profeſſio fidei Catholicæ, characteribus Armenicis Romæ edita. Eſt autem lingua Armenica propago Hebraicæ.